

## **RADIOTELEVIZIJA BOSNE I HERCEGOVINE (BHRT)**

Bulevar Meše Selimovića br.12  
71000 Sarajevo

U skladu sa Pravilnikom o radu Organizacionog odbora Festivala narodne muzike „Ilidža 2026“, Organizacioni odbor objavljuje

### **KONKURS ZA IZBOR PJESAMA I IZVOĐAČA ZA UČEŠĆE NA FESTIVALU NARODNE MUZIKE „ILIDŽA 2026“**

#### **I**

BHRT objavljuje konkurs za izbor pjesama i izvođača za učešće na Festivalu narodne muzike „Ilidža 2026“, koji će se održati 25. i 26. avgusta 2026. godine.

Za konkurs se šalju originalne, neobjavljene i neizvođene pjesme, pisane na službenim jezicima i ravnopravnim pismima u BiH.

#### **II**

Na konkurs za izbor pjesama i izvođača za učešće na Festivalu narodne muzike „Ilidža 2026“ mogu se prijaviti autori i izvođači koji posjeduju državljanstvo Bosne i Hercegovine, kao i lica koja nisu državljanima Bosne i Hercegovine. Za izvođača se mogu prijaviti i muzičke grupe.

Autor uz prijavu prilaže demo snimak pjesme koji sadrži dionicu realno otpjevanog vokala uz pratnju isključivo jednog instrumenta, bez studijske obrade i ostalih dodatnih efekata. Pjesme se dostavljaju u mp3 formatu sa tekstom i prijedlogom za izvođača ili muzičke grupe i prijedlogom za aranžera.

Notni zapis mora sadržavati jasno raspisanu melodijsku liniju glavnog vokala za sve pjevne dijelove pjesme uz potpisane slogove teksta ispod nota i harmonijske oznake iznad notnog sistema.

Sadržaji generirani umjetnom inteligencijom neće biti prihvaćeni.

Lica da bi učestvovala kao izvođači, ne smiju biti mlađa od 16 godina.

#### **III**

Sve pjesme koje odabere Komisija za selekciju kompozicija za učešće na Festivalu narodne muzike „Ilidža 2026“, u takmičarskoj večeri koja će se održati 25. avgusta 2026. godine, biće novčano valorizirane kako je definirano Pravilnikom o nagradama BHRT-a, nezavisno da li će one biti nagrađene na Festivalu.

Autori čija djela bude odabrala Komisija za selekciju kompozicija, prenose na BHRT ekskluzivna prava na neograničenu eksploataciju njihovog djela, te prihvataju prava i obaveze utvrđene Pravilnikom o radu Komisije za selekciju pjesama.

Istovremeno prenose na BHRT prava da se njihovo djelo emitira na RTV stanicama, snimi na nosač zvuka i slike, odnosno da se sva ova ili pojedina od ovih prava prenesu na treća lica.

Produkciju svih odabranih pjesama (snimanje nastupa i pripremu materijala za kasnija emitiranja ili korištenje u bilo koje dogovorene svrhe) realizira BHRT koji podnosiocima prijava odabranih pjesama garantira učešće u jednoj od večeri festivala, direktan televizijski i radioprijenos i predstavljanje na press konferenciji festivala.

Takođe, BHRT zadržava prava da ista djela objavi na digitalnim muzičkim streaming servisima i You Tube kanalu Muzičke produkcije BHRT-a.

#### **IV**

Autori nemaju mogućnost naknadnog povlačenja prijava, a prijavljeni radovi se ne vraćaju.

#### **V**

Komisija za selekciju pjesama nakon odabira autorskih radova može sugerirati autorima određene izmjene i dopune pjesme ili eventualnu promjenu predloženog izvođača ili aranžera.

Finalnu odluku o učesnicima Festivala narodne muzike „Ilidža 2026“, donosi Komisija za selekciju pjesama, nakon zatvaranja Konkursa.

Komisija će nakon zatvaranja Konkursa izabrati 15 pjesama koje će učestvovati u takmičarskoj večeri, koja će se održati 25. 8. 2026. godine.

#### **VI**

BHRT će putem sredstava javnog informiranja upoznati javnost sa radom Komisije za selekciju pjesama, odnosno koji autorski radovi su odabrani.

## DODJELA NAGRADA

### VII

BHRT će na takmičarskoj večeri na osnovu glasanja Stručnog žirija u skladu sa Pravilnikom o nagradama BHRT-a dodijeliti slijedeće nagrade i to:

1. Najbolja pjesma festivala
2. Najbolja muzika
3. Najbolji tekst
4. Najbolji aranžman
5. Najbolja interpretacija
6. Nagrada publike

### VIII

Prijave za Konkurs se dostavljaju putem pošte, ličnom dostavom ili putem e-maila na adresu [mpbhrt@gmail.com](mailto:mpbhrt@gmail.com).

Uz prijavu i demo snimak u mp3 formatu autori moraju poslati i podatke: puno ime i prezime, adresa, broj telefona, e-mail adresu. Zastupnik muzičke grupe dostavlja ovlaštenje o predstavljanju članova grupe.

Prijave se šalju na adresu: Radiotelevizija Bosne i Hercegovine (BHRT) ul. Bulevar Meše Selimovića broj 12, 71000 Sarajevo sa naznakom „Za Direkciju Festivala – Muzička produkcija BHRT-a“- „Prijave na Konkurs za izbor pjesama i izvođača za učešće na Festivalu. Prijavom na Konkurs svaki učesnik prihvata sve uslove proklamiranih Pravila za izbor pjesama i izvođača festivala „Ilidža 2026“.

### IX

Konkurs ostaje otvoren do 19. 5. 2026. godine.

Počasni predsjednik Organizacionog odbora

---

v. d. Generalnog direktora BHRT-a

---

Belmin Karamehmedović

